



কেন্দ্রীয়মন্ত্রিসভা

বৃত্তিমূলক শিক্ষা ও প্রশিক্ষণের ক্ষেত্রে সহযোগিতার জন্য ভারত ও বেলারুশের মধ্যে মউ এর অনুমোদন কেন্দ্রীয় মন্ত্রীসভায় সহযোগিতার জন্য ভারত ও বেলারুশের মধ্যে সমঝোতা স্মারক

Posted On: 13 OCT 2017 11:42AM by PIB Kolkata

প্রধানমন্ত্রী শ্রী নরেন্দ্র মোদির পৌরহিত্য কেন্দ্রীয় মন্ত্রিসভা বুধবার বৃত্তিমূলক শিক্ষা ও প্রশিক্ষণের (ভি.ই.টি.) ক্ষেত্রে সহযোগিতার জন্য ভারত ও বেলারুশের মধ্যে সমঝোতা স্মারকে (মউ) এক্স-ফ্যাক্টো অনুমোদন দিল। এই মউ বেলারুশের রাষ্ট্রপতি মহামান্য শ্রী আলেকজান্ডার লুকশেনকো'র ভারত সফরের সময় গত ১২সেপ্টেম্বর (২০১৭) স্বাক্ষরিত হয়েছিল।

কোনো ইউরেশিয়ান দেশের সঙ্গে বৃত্তিমূলক শিক্ষা, প্রশিক্ষণ ও দক্ষতা উন্নয়নের ক্ষেত্রে সহযোগিতার জন্য এটাই প্রথম মউ স্বাক্ষরিত হয়েছে।

বেলারুশে প্রচুর পরিমাণে শিল্প বিশেষত নির্মাণ শিল্প ও ডারি শিল্প রয়েছে, যা মূলত তাদের দক্ষ শ্রমশক্তি ও উন্নতমানের দক্ষতা প্রশিক্ষণ পদ্ধতির জন্যই সম্ভব হয়েছে। দক্ষতা উন্নয়নের এই প্রণালীবিজ্ঞান আমাদের “মেক ইন ইন্ডিয়া”, “স্কিল ইন্ডিয়া” ইত্যাদির মত উদ্যোগকে বিশেষভাবে সহায়তা করবে। এক্ষেত্রে তাদের জ্ঞান এবং বিশেষ করে নির্মাণ শিল্পের জন্য কীভাবে শ্রমশক্তিকে দক্ষ করা যায়, সেই অভিজ্ঞতাকে নিয়ে আসার পথ তৈরি করে দেবে এই মউ।

দুই দেশের সুনির্দিষ্ট ক্ষেত্রগুলোতে এই সহযোগিতা রূপায়িত হবে প্রাতিষ্ঠানিক অংশীদারিত্বের মাধ্যমে। এক্ষেত্রে সংযুক্ত থাকবে বেলারুশের বৃত্তিমূলক প্রশিক্ষণশিক্ষা পদ্ধতি উন্নয়নের শীর্ষ প্রতিষ্ঠান ‘রিপাবলিকান ইনস্টিটিউট অফ ডেকেশনাল এডুকেশন’ (আর.আই.পি.ও.) এবং ভি.ই.টি. ও এর দীর্ঘস্থায়ি নিয়ন্ত্রণ প্রতিষ্ঠানের জন্য প্রশিক্ষণের মহানির্দেশক। বেলারুশের বিভিন্ন ক্ষেত্রের ভি.ই.টি./উৎকর্ষ কেন্দ্রকে দক্ষতা বাস্তবায়নের উন্নয়ন ও গবেষণার জন্য প্রস্তুত করা হয়েছে।

এক্সেত্রে সহযোগিতা বিভিন্ন ক্ষেত্রগুলি হচ্ছে নিম্নরূপ:

১. উন্নত প্রযুক্তি, প্রশিক্ষণ ও মূল্যায়ন পদ্ধতি, নিয়মিত ও দূরশিক্ষার বিষয়সূচির উন্নয়ন, ই-শিক্ষা, মাস্টার ট্রেনারদের প্রশিক্ষণ, যোগ্যতা তৈরি, নেটওয়ার্ক তৈরি করা ও শিল্প সংযোগের ক্ষেত্রে তাদের ব্যবহারিক জ্ঞান প্রদান করবে বেলারুশ পক্ষ।

২. ভারতীয় নাগরিকদের দক্ষতা উন্নয়নের জন্য বৃত্তিমূলক শিক্ষা। এক্ষেত্রে যেসব বিষয় রয়েছে সেগুলো হচ্ছে, নির্মাণ, বিদ্যুত উৎপাদন ও সরবরাহ, নির্মাণ শিল্প, ব্যবসা, অটো সার্ভিস, গৃহস্থালীর সামগ্রী মেরামত ও রক্ষণাবেক্ষণ, পরিবহন, যোগাযোগ, হোটেল ও রেস্টোরাঁ এবং ভারতে অন্যান্য যেসব ক্ষেত্রে বেশি আগ্রহ রয়েছে।

৩. বেলারুশের পক্ষ থেকে বৃত্তিমূলক শিক্ষা ও প্রশিক্ষণ পরিচালনা, শিক্ষক ও প্রশিক্ষকের জন্য পুনঃপ্রশিক্ষণ, দক্ষতা উন্নয়ন ও ইন্টারশিপ।

৪. বৃত্তিমূলক শিক্ষা, প্রশিক্ষণ ও দক্ষতা উন্নয়ন প্রদানের জন্য উপদেষ্টা পরিষেবা, পরিকল্পনা ও পরিচালনা।

প্রধান প্রভাবিত ক্ষেত্র:

*এই মউ দেশের দক্ষতার বাস্তবায়নের সার্বিক উন্নয়নের জন্য বেলারুশের অভিজ্ঞতা ও জ্ঞানকে নিয়ে আসবে।

*এই ক্ষেত্রে গবেষণা ও উন্নয়নের মধ্য দিয়ে বর্তমানের বৃত্তিমূলক শিক্ষা ও দক্ষতা উন্নয়নের মানোন্নয়ন ও উদ্ভাবনার রূপায়ণ।

(Release ID: 1505947) Visitor Counter : 3

Background release reference

সহযোগিতার জন্য ভারত ও বেলারুশের মধ্যে সমঝোতা স্মারক

